

Su Comunu de Ballau at a sperimentai su Standard propostu dae s'Acadèmia de su Sardu



Premiada sa richesa linguistica de is territòrios e s'impreu ispontàneu de is macrovariedades campidanesa e logudoresa.

Imoi fintzas is atrus Comunus ant a sighiri su matessi modellu. Unu càmbiu in su sinnu de su sardu-campidanesu chi creat unu pretzedenti stòricu in su dibàtitu a pitzu de sa lingua sarda. Aici Acadèmia de su Sardu APS commentat sa detzisioni de su Cunsillu Comunali de Ballau in sa deliberatzioni aprovada su 22 de austu chi adotat sa norma campidanesa po totu is comunicatzionis de s'amministratzioni comunali. Una misura chi aberit in modu ufficiali is portas a atras realidadi amministrativas de sa Sardinnia, torrendi a cunfirmar is indirizus de sa gramàtica normativa de Su Sardu Standard de su 2019.

Benit duncas premiada sa tesi de su docenti de Linguistica Sarda de s'Universidadi de is stùdios de Casteddu, Eduardo Blasco Ferrer (mortu in su 2017) chi in sa circa sua scientifica at sèmpiri cunfirmau su chi nd'est bessiu a campu in sa literatura sarda, overas s'impreu de is variedades campidanesa e logudoresa.

Pro Academia de Su Sardu, chi collit s'eredadi e is rechiedas de su Professori Ferrer "s'ùnicu caminu possibili est su de una lingua sarda cun duas normas, e est a nai, sa norma campidanesa e sa norma logudoresa, in su respetu de sa tradizioni literària e de sa voluntadi de is Sardus. Unu caminu chi avalorat is diferènzias e sa richesa linguistica de is territòrios, ma prus che totu chi refudat is soluzionis caladas dae s'artu in is ùrtimus annus cun s'introduzioni de fòrmulas linguisticas sena stòria e literatura e, ancora de prus, a tesu de sa lingu de is sardus".

In custu sentidu, agiungint is rapresentanteis de Acadèmia, "aparint antidemocràticu slogan cumentu 'una lingua, una nazioni', messàgiu antistòricu e fillusde su peus centralismu linguisticu de stampu napoleònicu pro non nai tirànicu. Sa Sardinnia chi tocat a castiai est multiculturali e respetosa de sa richesa linguistica de su territòriu suu. Duncas, concruit su comitadu csientificu, "augoraus chi su caminu principiu dae su Comunu de Ballau potzat serbiri cumentu modellu po atrus comunous sardus de su sud".